

**Pwyllgor ar y Gorchymyn ynghylch Plant
sy'n Agored i Niwed**

**The Proposed Vulnerable Children LCO
Committee**

Bae Caerdydd / Cardiff Bay
Caerdydd / Cardiff CF99 1NA

28 Medi 2007

Annwyl Gyfaill

Ymgynghoriad - Pwyllgor ar y Gorchymyn ynghylch Plant sy'n Agored i Niwed

Sefydlwyd y Pwyllgor ar y Gorchymyn ynghylch Plant sy'n Agored i Niwed ar 4 Gorffennaf 2007 i ystyried a chyflwyno adroddiad ar Orchymyn arfaethedig Cynulliad Cenedlaethol Cymru (Cymhwysedd Deddfwriaethol)(Rhif 3) 2007.

Mae'r Pwyllgor wedi cytuno ar gwmpas ei waith craffu fel a ganlyn:

- bod egwyddorion cyffredinol y Gorchymyn arfaethedig, h.y y cymhwysedd deddfwriaethol, fel y nodwyd ym 'Materion 15.1 - 15.8', yn cael eu rhoi i'r Cynulliad; a
- a yw'r Gorchymyn yn darparu fframwaith priodol ar gyfer cyflawni agenda'r polisi ar blant sy'n agored i niwed a phlant tlawd, ac yn benodol a yw amodau'r Gorchymyn arfaethedig wedi'u diffinio'n rhy eang neu'n rhy gyfyng.

Diben gwaith y Pwyllgor yw craffu ar ddrafftio'r Gorchymyn arfaethedig, ac, fel y cyfryw bydd y Pwyllgor yn osgoi cymryd rhan mewn trafodaethau manwl ar Fesurau arfaethedig a allai gael eu cyflwyno o ganlyniad i drosglwyddo cymhwysedd deddfwriaethol, adolygu polisiâu sy'n bodoli eisoes yn y maes hwn neu ddyblygu gwaith a wnaethpwyd gan y cyn bwyllgorau pwnc.

Gellir cael rhagor o wybodaeth am y Gorchymyn arfaethedig a'i Femorandwm Esboniadol, ynghyd â Chyfarwyddyd ar y broses ddeddfwriaethol yn <http://www.assemblywales.org/bus-home/buslegislation.htm>

Ysgrifennaf i'ch gwahodd i gyflwyno tystiolaeth i'r Pwyllgor.

Yn benodol hoffai'r Pwyllgor dderbyn tystiolaeth ar y cwestiynau canlynol:

1. A fyddai amodau'r Gorchymyn arfaethedig yn caniatáu ar gyfer gweithredu'r agenda polisi ar blant sy'n agored i niwed a phlant tlawd drwy gyfrwng Mesurau? Os na, sut y bydd angen ailddrafftio'r Gorchymyn arfaethedig a pham?

2. A yw amodau'r Gorchymyn arfaethedig wedi'u drafftio'n briodol, yn rhy eang neu'n rhy gyfyng. Os oes angen, sut ddylai'r Gorchymyn arfaethedig gael ei ail-ddrafftio a pham?
3. A yw'r diffiniadau o 'lles' a 'gofal cymdeithasol' yn y Gorchymyn arfaethedig yn briodol? Os na, sut y dylid eu hailddrafftio a pham?
4. Mae'r Gorchymyn arfaethedig yn cynnwys tabl sy'n nodi rhai eithriadau o gwmpas Materion 15.1-15.8. A yw'r eithriadau hyn yn briodol? Os na, sut y dylid eu hailddrafftio a pham?

Mae gan y Pwyllgor ddiddordeb mawr ym marn plant a phobl ifanc a byddai'n ddiolchgar pe byddai modd nodi hyn mewn unrhyw dystiolaeth a gyflwynir lle y bo'n briodol.

Os ydych yn dymuno cyfrannu at waith y pwyllgor, dylid anfon nodyn, os yn bosibl trwy gyfrwng e-bost neu ar ddisg, neu fel arall, ar bapur i :
Lewis McNaughton, Dirprwy Glerc Pwyllgor, y Swyddfa Ddeddfwriaeth, Cynulliad Cenedlaethol Cymru, Bae Caerdydd, CF99 1NA.

E-bost: swyddfadeddfwriaeth@wales.gsi.gov.uk. (Nodwch y pwnc 'Ymgynghoriad y Pwyllgor ar y Gorchymyn ynghylch Plant sy'n Agored i Niwed' wrth anfon eich e-bost.)

Dylai unrhyw gyfraniadau gyrraedd y Cynulliad erbyn 2 Tachwedd 2007. Efallai na fydd modd ystyried ymatebion a dderbynnir ar ôl y dyddiad yma.

Cofiwch y pwyntiau canlynol wrth baratoi eich papur cyflwyno:

- Dylai eich ymateb fod mor gryno â phosibl. Rhowch gyfeirnod ar eich ymateb gan ddefnyddio'r teitl a ddefnyddir uchod;
- Mae'r Cynulliad Cenedlaethol fel arfer yn sicrhau bod ymatebion i ymgynghoriadau cyhoeddus ar gael i'r cyhoedd eu gweld a gellir eu gweld a'u trafod hefyd mewn cyfarfodydd Pwyllgor. Os nad ydych am i'ch ymateb neu'ch enw gael ei gyhoeddi, mae'n bwysig eich bod yn nodi hynny'n glir ar eich adroddiad;
- Nodwch a ydych yn ymateb ar ran sefydliad, neu fel unigolyn;
- Nodwch a fydddech yn fodlon rhoi tystiolaeth lafar i'r Pwyllgor.

Mae'r Pwyllgor yn croesawu cyfraniadau yn Gymraeg ac yn Saesneg a bydd yn ystyried ymatebion i'r ymgynghoriad ysgrifenedig yn ystod tymor yr hydref.

Os hoffech i ni gysylltu â chi ynghylch unrhyw ymgynghoriad a gynhelir yn y dyfodol ar y maes hwn, nodwch hynny yn eich ymateb.

Os oes gennych unrhyw ymholiadau, cysylltwch â'r Clercod, Siân Wilkins (029 2089 8224), Sarah Beasley (029 2089 8032) neu Lewis McNaughton, y Dirprwy Glerc (029 2089 8146).



Karen Sinclair AC
Cadeirydd

Ffon / Tel: 029 2089 8032
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk